


Háteigur



16. árgangur 11. tbl.

16. desember 2012

Gleðileg jól!

<http://hateigsskoli.is>

Frá skólastjóra

Ágætu lesendur

Jólin nálgast hægt og hægt. Pistillinn er skrifaður þegar von er á fyrsta jólasveininum sem minnir á að fara varlega með þetta skemmtilega ævintýri um íslenska jólasveininn. Jólasveinarnir eru hjartanlega velkomnir til byggða til að gleðja börnin með litlum gjöfum í aðdraganda jólanna. Enginn þarf að efast um hvort að jólasveinar eru til en ef fullorðnir og börn þurfa og vilja efast, þá er rétt að gera það heiðarlega. Hugmyndina um ævintýri er því mikilvægt að hafa í huga því að við getum öll leyft okkur að lifa eins og í ævintýri af því að það gerir lífið litríkara og skemmtilegra.

Hver maður lifir sínu lífi og sér veröldina með sínum gleraugum. Í gær ræddu kennarar saman um aðalnámskrána frá 2011 en í henni eru margar nýjar hugmyndir og nýjar leiðir. Ég hvet foreldra til að kynna sér hana á namskra.is því að þar er að finna framtíðaráform fyrir grunnskólann. Á fundinum í gær kom í ljós að við skiljum texta á mismunandi hátt, við skiljum hugtök á mismunandi hátt. Hugtakið jafnrétti kallar fram mismunandi hugrenningatengsl frá einum til annars og það getur tekið tíma í umræðu að komast að sameiginlegum skilningi og það er fullkomlega eðlilegt. Slíkar æfingar eru algengar meðal heimspekinga en það er nokkuð sem allir geta fengist við. Mér finnst til dæmis að hugmyndin um jafnrétti sé svo samofin hugmyndinni um mannréttindi að þau hugtök geti ekki staðið hlið við hlið en það gera þau í nýju aðalnámskránni. Lýðræði og mannréttindi eru hins vegar samofin í námskránni. Lýðræði er stjórnskipulag og það er hægt að ímynda sér stjórnskipulag sem er ekki lýðræði en tryggir samt talsverð mannréttindi. Það er hins vegar ekki hægt að ímynda sér mannréttindi án þess að beita hugtakinu um jafnrétti. Ekki er hægt að fullyrða að eitt sé betra en annað í þessu efni en svona virka hugir okkar og vitundarlíf á mismunandi hátt.

Ekki er örgrannt um að hugmyndin um jólin eigi svipuð örlög þegar þau eru tekin hugartökum. Í skóla þar sem fjölbreytileikinn er jafn mikill og í Háteigsskóla er hætt við að svo sé. 80 nemendur skólans búa við annað móður- eða föðurmál en íslensku. Þeir eiga foreldra frá 33 þjóðlöndum

og tala 28 mismunandi tungumál. Hvað tilheyrir nemendur og foreldrar þeirra mörgum trúarbrögðum? Þetta höfum við ekki skoðað en ljóst er að þau eru nokkur og einnig eru margir sem hafa enga trú og þeim fer fjölgandi. Við verðum því smátt og smátt að taka meira tillit til fjölbreytileikans í okkar starfi í kringum jólin því að það eru mannréttindi að allir sitji við sama borð í hinum almenna grunnskóla þó að allir fagni jölunum heima hjá sér sem búa við kristna trú. Við í Háteigsskóla höldum enn að mestu í jólahefðir skólans og munum gera það enda hafa yfirvöld í Reykjavík leyft að haldið sé í hefðirnar. Við erum og verðum að vera meðvituð um þær breytingar sem eru að verða á samfélagi okkar með aukinni fjölbreytni. Við fögnum aukinni fjölbreytni því að þá verðum við eða ættum að verða auðugra samfélag ef við höldum rétt á spilunum.

Jólatíminn er fyrir nánast alla, hvar sem þeir standa og hvernig sem þeir hugsa og hverju sem þeir trúa eða trúa ekki, tími hvíldar og endurnæringar í dimmasta skammdeginu þar sem allir geta sameiginlega glaðst yfir hækkingu sól.

Ég óska öllum gleðilegra jóla,

Ásgeir Beinteinsson

skólastjóri Háteigsskóla

Skipulag yfir hátíðirnar

Á öftustu síðu Háteigs má sjá skipulag skólastarfs og jólaeyfis fram til 4. janúar 2013.

Jólasaga

Einu sinni var mörgæsafjölskylda og þau voru að halda jólaveislu, en hin fjölskyldan komst ekki í veisluna út af því að það var svo mikill snjór og það var einhver stelpa sem bjargaði þeim og þau náðu að komast í jólaveisluna og það var gaman hjá þeim og pabbarnir voru saman.

Sunneva Guðnadóttir, 3. bekk

Jólakettir

Kettirnir í þessu blaði koma úr 2. bekk. Þeir hanga þar í gluggum og trén fyrir utan mynda skemmtilegan bakgrunn.





Jólin

Jólin koma brátt,
með frið og sátt.
Skreytum jólatré,
drekku mjólk úr fé.

Jólin eru best,
Siggi fær hest.
Allir fá pakka,
kallar, konur og krakkar.
Embla þöll Einarsdóttir, 7. bekk

Óskilamunir

Enn safnast talsvert af óskilamunum fyrir í skólanum. Foreldrar eru vinsamlegast beðnir um að merkja allt sem börnin fara með í skólann og að auki að fara reglulega yfir það sem safnast hefur fyrir. Hægt er að kaupa merkimiða með nöfnum og/eða símanúmerum, eða þá bara að merkja sjálfur með þvottekta penna.

Jólasaga

Einu sinni voru hjón og þau eignuðust barn og barnið átti að heita Jesús og konan og karlinn hétu María mey og Jósep og Jósep var stjúpabbi Jesú en Guð var pabbi Jesú og Jesús fæddist í Betlehem.

Tinna Brá Gunnarsdóttir, 2. bekk

Stekkjastaur situr fyrir svörum

Að kvöldi 11. desember var lagt próf fyrir Stekkjastaur og svörin voru komin í skóinn morguninn eftir:

1. Hvenær áttu afmæli?
- Á hverju ári.
2. Hvað heita amma þín og afi?
- Grýla-la og Leppa-Leppalúði.
3. Áttu systur?
- Nei.
4. Borðar Grýla enn börn?
- Já, en sjaldan sem betur fer!
5. Hvenær búið þið til gjafirnar?
- Allt árið.
6. Er Leppalúði rosa latgur?
- Já.
7. Kemur Grýla með ykkur til byggða stundum?
- Já.

Elín Katla Henrysdóttir, 4. bekk

Sungið í Bólstaðarhlíð

Nemendur úr 4. bekk fóru í vikunni í heimsókn í félagsstarfið í Bólstaðarhlíð. Þar sungu þeir nokkur jólalög fyrir fólkið og stóðu sig afskaplega vel. Ein telpan sagðist meira að segja hafa séð tár á hvarmi áheyranda. Móttökur voru afskaplega góðar og allir fjarska glaðir eftir þessa góðu heimsókn.

Í Kringluna

Einn dag sagði mamma, „Óli, viltu koma með mér í kringluna að sjá jólasveininn?“ „Já,“ sagði Óli, „og við skulum líka skoða jólatréð.“

Kristófer Óli Arnarsson, 2. bekk

Kærleikur og þakklæti

Í vetur hafa nemendur og kennarar á miðstigi unnið með gildin kærleikur og þakklæti.

Til þess að skilja hugtökin betur lásu kennarar fyrir nemendur bókina *Ertu Guð afi?* eftir Þorgrím Þráinsson. Bókin hlaut Íslensku bókmenntaverðlaunin árið 2010. Hún fjallar um stúlku sem heitir Emma Soffía sem hefur aldrei séð afa sinn fyrr en hann birtist eftir ferðalag frá Afríku þegar hún er 11 ára. Þau mynda með sér einstakt samband og afi hennar kynnir fyrir henni mikilvægi þess að vera alltaf besta útgáfan af sjálfum sér og safna ljósi í hjartað sitt með því að gera góðverk.

Nemendur hafa búið til „kærleiks- og þakklætisvegg“ þar sem þeir settu orð yfir það sem gott er og hægt er að vera þakklátur fyrir.

Þorgrímur Þráinsson kom svo í heimsókn miðvikudaginn 21. nóvember, til þess að segja okkur frá skrifum bókarinnar *Ertu Guð afi?* Nemendur fengu að spyrja spurninga og skemmtilegar umræður áttu sér stað. Í lokin las hann upp úr nýjustu bók sinni, *Krakkin sem hvarf*.

Guðrún Helga Sigfúsdóttir, kennari

Stekkjastaur

Stekkjastaur kom fyrstur stinnur eins og tré.


Kom um kvöldið þann ellefta des.

Bræður hans tólf

koma á eftir honum,
koma alla hina dagana
fram að jólum.

Er hann elstur,
eða hvað?

Antonía Mist Gísladóttir, 4. bekk



Saga af jólasveini

Einu sinni var jólasveinn sem var að gefa krökkum gjafir. Svo fór hann á sleðann og fór heim til mömmu sinnar og sagði henni frá óþekktum krökkum sem fengu bara kartöflur. Hann hitti líka góða krakka sem fengu bók og blýant.

Björgvin Steinar Gíslason, 2. bekk

Jól með glæsibrag

Jólin eru best.

Óli syngur lag.

Lára leikur prest.

Alveg með glæsibrag.

Lára fær kjól,

Jóli setur í skó.

Óli fær lítið hjól.

Davíð litli hló.

Allir eru saman.

Bollur bakar amma.

Óla finnst gaman.

Kerti kveikir mamma.

Ásta Indía Valdimarsdóttir, 7. bekk



Dönsk jólaljód úr 8. bekk

8. bekkingar bjuggu til jólatré með jólakúlum og á jólakúlurnar voru skrifuð frumsamin jólaljód á dönsku. En sjón er sögu ríkari – þetta hangir uppi á vegg í stigaganginum við skólstofur í B-álmu. Hér er sýnishorn:

JULESANG

Julen er bedst.

Ugen går hurtigt.

Længe er det gæster.

Englerne er yndig.

Småkager er gode.

Alle sammen synger sang.

Nisse og julemad kommer i aften.

Gaver er under juletræet.

Auður

JULESNE

Julen kommer snart.

Under juletræet er mange pakker.

Lyt til den skønne julesang.

Endelig skal alle synge med.

Så kommer sne.

Nu er alle spændt og glad.

Elsker Jul!

Aaron, Geri og Einar

JULEDIGT

Juleengel synger salm.

Ude i sneen og bygger snemand.

Lysene skinner klart og fint.

Englen spiser julesvin.

Dyr og børnene er muntre.

Ingen er sulten.

Gule, røde og grønne pakker.

Tænderne får huller.

Hekla og Gunnhildur

Jólaljód

Margir ennpá eru að pakka
aðrir jólakalkúninn fá að smakka,
en flestir eru með litla skratta
sem sitthvað eru að smjatta.

Jóhannes Hrefnason Pálsson, 5. bekk



Snjórinn

Snjórinn kemur og fer
hann er mjúkur eins og vera ber.
Hann klæðir jörðina í hvítan kjól
enda eru að koma jól.
Ég bý til snjókalla
þegar snjórinn fer að falla.

Vala Magnúsdóttir, 7. bekk

Jólasaga

Orri ormur og hans fjölskylda eru að halda jól. Litli er að reyna að taka stjörnu.

Gunnlaugur Jón Briem, 2. bekk

Jólaljód

Jólasveinn er með
poka á bakinu,
læðist að skónum
og þegar börnin vakna
og fá flottar gjafir,
flest börnin fengu mandarínu
og allt sem er gott.

Kolbeinn Þorsteinsson, 5. bekk

Ljóð um ljóð, um jólslag

Ljóð um ljóð
er ljóð um hljóð.
Ljóð og hljóð eru lítið lag,
er ég syng jólabrag.



Á jólnum er gleði og gaman,
þar allir syngja saman.

Jólaljód og jólalala,
og alltaf do re mí fa.

Ásta Indía Valdimarsdóttir, 7. bekk

Jólasaga 2012

Einu sinni var maður sem átti konu og barn sem var unglingur; hann hét Krummi. Hann var mjög skotinn í Söru í bekknum. Það var 22. desember 2012. Sara var líka besta vinkona hans en hún var ekkert skotin í Krumma. Í dag var Krummi og bekkurinn hans að læra landafræði í skólanum. „Loksins er skólinn búinn,“ sagði Krummi. „Klukkan er orðin tíu,“ sagði mamma Krumma, „og það er skóli á morgun.“ „Nei,“ hrópaði Krummi, „það er laugardagur á morgun, ekki skóli, svo hvort eð er myndi ég ekki fara í skólann. Það eru jólin á morgun.“ „Jólin eru ekki á morgun heldur hinn.“ Það er komin Þorláksmessa. „Krummi, vaknaðu við erum að fara að borða skötuna, þú veist það.“ „En mamma, af hverju kemur jólasveinninn ekki og gefur mér í skóinn?“ „Elskan mín, þú ert sextán ára og ert of gamall fyrir það.“ „Jæja, af hverju erum við í Kringlunni? Af því við borðum skötuna hér.“ „Oj! Mamma, þetta er ógeðslegt!“ „Hvaða vitleysa, þetta er ljúffengt.“ „Nei, vont!“ „Bull og vitleysa, ekki vera með svona gelgjukast.“ „Jú!“ „Ókei, förum þá heim, Krummi.“ „Jæja, jólin eru komin. Jibbí jei! Jólin eru komin til mín,“ sagði Krummi. „Klukkan er orðin sex, förum nú að borða jólamatinn.“ „Hvað í ósköpunum er Sara að gera hér?“ „Hún vildi borða með okkur.“ „Ókei.“ „Ég er búinn með matinn.“ „Jæja, opnaðu þá gjafirnar þínar.“ „Takk!“

Ingibjörg Ylfa Gunnarsdóttir, 5. bekk

Jólaljód

Jólin eru að koma
en samt langt enn.
Ég vona bara að þau
komi senn.
Á jólnum er mjög gaman
en það er samt skemmtilegra
ef allir eru saman.
Það er líka spennandi að
opna pakka með gleði
og hamingju í sínu hjarta.

Ragna Guðrún Guðmundsdóttir, 5. bekk



Saga af hreindýri

Einu sinni var hreindýr. Það kunni ekki að fljúga. Eitt hreindýrið var alltaf að monta sig að það gæti flogið. Einn daginn gat hreindýrið flogið. Ernirnir tveir tóku hreindýrið og þeir fóru með það í vondu höllina. Þar átti vonda drottningin heima en pabbi hreindýrsins kom með flokk af hreindýrum og þau náðu hreindýrinu. Þau urðu glöð að fá hreindýrið. **Katrín Sigríður Scheving Thorsteinsson, 2. bekk**

Jólaögin sungin með leikskólabörnum.

Elstu nemendur leikskólanna í hverfinu, Klambra, Nóa-borgar og Stakkaborgar, heimsóttu okkur fimmtudaginn 6. desember. Hér sungu þeir með 1. bekkingum margs konar jólalög og síðan var þeim boðið að fá sér hressingu í kennslustofum. Þetta var ljómandi skemmtilegt, en eftir áramótin eiga leikskólabörnin eftir að heimsækja okkur oftar.

Jólasveinafjölskyldan

Gluggagægir er forvitinn. Gáttaþefur á stórt nef. Stúfur er lítill. Grýla er fýla. Þvörusleikir er með stóra tungu.

Ágúst Carl Guðmundsson, 2. bekk

Spennandi jól

Þetta er hátíð fyrir alla,
bæði konur og karla.
Snjórinn fellur,
sumir fá dellur.
Allir eru góðir,
krakkarnir rjóðir.
Ljúffengur matur,
enginn latur.
Þrettán sveinar upp á hól,
því núna koma spennandi jól.
Íðunn Gíjja Kristjánsdóttir, 7. bekk



Á jólaballi

Einu sinni var stelpa. Hún var á jólaballi að dansa í kringum jólatré. **Embla Sól Öttarsdóttir, 2. bekk**

Julefrokost

29. nóvember héldu 10. bekkingar Julefrokost í skólanum. Boðið var upp á danskan jólamat ásamt danskri skemmtidagskrá. Mikil aðsókn var og allir fjarska glaðir. Bæði kennarar og nemendur lögðu mikið á sig við undirbúninginn og eiga þeir allir hrós skilið. Einnig er fyrir-tækjum sem styrktu hátíðina með matargjöfum þakkað sérstaklega fyrir jákvæð viðbrögð.

Jólasaga

Hæ! Ég heiti Lovísa Klarabel og ég er algjört jólabarn. Ég er búin að skreyta allt, já, bókstaflega allt húsið; frammi á gangi, í gluggunum í herberginu mínu og bókstaflega alls staðar. Það eru nú líka bara 14 dagar til jóla, þannig að ég held að það sé allt í lagi að skreyta húsið. Ég bjó líka til piparkökur. Ég held að jólin mættu koma, en það vantaði bara eitt og það var jóla-tréð! Ég hljóp til pabba og sagði hátt, „pabbi! Við þurfum að fara núna að kaupa jólatréð.“ Pabbi vaknaði strax úr blundin-um sínum og stökk á fætur. „Hvað, hvað er að,“ spurði pabbi mjög sybbinn í rómi og geispaði hátt. „Við þurfum að kaupa jólatré, pabbi! Varstu ekki að hlusta á mig?“ sagði ég og stundi. „Jólatré, segirðu,“ endurtók pabbi, leit á mig og geispaði aftur. „En það eru fjórtán dagar til jóla,“ sagði hann preytulega. „Já, og hvað með það?“ sagði ég og var orðin dálítið ópolinmód. „Já, og ef við kaupum jólatréð núna, þá er það orðið ónýtt á aðfangadagskvöld,“ sagði pabbi og lagðist í sófann. „Hvað á ég þá að gera ef það er ekkert jólatré til að skreyta?“ sagði ég og var orðin fúl á svip. „Spurðu mömmu þína. Ég er allt of þreyttur til að hugsa um það,“ sagði pabbi og lokaði augunum og eftir smástund heyrði ég að hann var byrjaður að hrjóta. Ég sneri mér við og gekk til mömmu sem var alla vega ekki sofnuð. Ég spurði mömmu hvað ég gæti gert fyrir utan að skreyta jólatréð. „Nú, þú getur skrifað jólakort til kunningja og vina,“ sagði mamma og gramsaði í súpudótinu. Ég byrjaði að skrifa og skrifa og skrifa. Allir fjórtán dagarir liðu og ennþá var ekkert tré í stofunni. Þegar við vorum búin að borða sá ég risastóran pakka í stofunni og pakkinn var svo stór að hann snerti næstum loftið. Það stóð á pakkanum að hann væri til mín! Ég opnaði pakkann og ég trúði ekki mínum eigin augum, þetta var.. jólatré! Undir því voru pakkar til mín og til mömmu og pabba. Ég knúsaði mömmu og pabba og þau óskuðu mér gleðilegra jóla.

Verónika Sigurðardóttir Teuffer, 5. bekk

Jólasveinninn

Einu sinni var jólasveinn sem var með stóran poka fullan af dót. Jólasveinninn gaf krökkunum dót og jólapakka. Jólasveinninn þurfti að drífa sig svo mikið að hann missti húfuna. Aubrey tók húfuna og sagði, „hann missti húfuna sína“. Aubrey leitaði að jólasveininum. Loks fann hún hann og jólasveinninn var svo glaður að hann gaf Aubrey fleiri pakka.

Aubrey Maé Asug Rosento, 2. bekk

☺ Spakmæli mánaðarins: ☺
Það verður hverjum list sem hann leikur.

Starfsemi Háteigsskóla 19. desember 2012 - 3. janúar 2013

	19. des.	20. des.	21. des.- 2. jan.	3. jan.	4. jan.
1. - 4. bekkur	Viðvera kl. 10:10 – 13:40 Dagskrá í sal kl. 12:20	Viðvera kl. 11:30 – 13:40 Jólatré kl. 12	Jólafrí Halastjarnan verður opin alla virka daga nema 2. janúar	Starfsdagur	Samkvæmt stundatöflu
5. - 7. bekkur	Viðvera kl. 9:10 – 12:30 Dagskrá í sal kl. 10:30	Viðvera kl. 10 – 12 Jólatré kl. 11	Jólafrí	Starfsdagur	Samkvæmt stundatöflu
8. - 10. bekkur	Viðvera kl. 10 – 13 Valverkefni	Kl. 8:45 í skóla Kirkja kl. 9 Jólastund í skóla til kl. 11	Jólafrí	Starfsdagur	Samkvæmt stundatöflu